

समे .1815

<><><><><><>

Headlines

- 1 प्रधानमंत्री नरेन्द्र मोदी होरें वायनाड दे प्रभावत इलाकें दा दौरा लाया ते राहत कम्में च केन्द्र दी तरफा हर मुमकिन सैहयोग ते समर्थन दा भरोसा दोआया।
- 2 पुलसै नै कठुआ जिले च पिछले म्हीने सेना पर होए दे आतंकी हमले च शामिल 4 आतंकवादिएं दा स्कैच जारी कीता ऐ।
- 3 चालू माली ब'रे दी पैहली तिमाही दरान भारत दे रक्षा निर्यात च 78 प्रतिशत दा बाद्धा दर्ज कीता गेआ ऐ।
- 4 पैरिस ओलंपिक्स च भारती पलोआन रीतिका हुड्डा गी महिलाएं दी 76 किलोग्राम फ्री स्टायल दे क्वार्टर फाइनल च हार दा सामना करना पेआ।

<><><><><><>

PM-Kerala

प्रधानमंत्री नरेन्द्र मोदी होरें केरल दे वायनाड च ल्हास पस्सियां कारण प्रभावत इलाकें च राहत जतने च हर मुमकन मदाद दा भरोसा जताया ऐ। अज्ज प्रभावत इलाकें दा दौरा करने दे परैंत मोदी होरें आखेआ जे इस कठन घड़ी च समूलचा मुल्ख प्रभावत लोकें कन्नै ऐ ते केन्द्र सरकार प्रभावत लोकें दे पुर्नवास दे कम्में च सैहयोग लेई कोई कसर नेई छोड़ग। ल्हास पस्सिएं कारण होए दे नुक्सान दा जायजा लैने दे बाद मोदी होरें केरल सरकार गी आखेआ जे पेहे दी कमी कुसै बी राहत कम्में च रुकावट नेई बनना लोड़चदी। उनें राहत कैपें ते अस्पताल च दाखल लोकें कन्नै बी गल्लबात कीती। उनें अत्तामाला, मुंडक्की ते पंचिरी बटटोम इलाके दा ब्हाई सर्वेक्षण बी कीता।

<><><><><><><>

J&K Terrorist

कठुआ पुलसै नै अज्ज 4 आतंकवादिएं दे स्कैच जारी कीते न जेहड़े दस्सेआ जा'रदा ऐ जे जिले दे बक्ख-बक्ख हिस्सें च दिक्खे गे न। आकाशवाणी दे जम्मू संवाददाता एन.गुलशन रैणा नै जानकारी दित्ती ऐ जे पुलसै इंदे बारे कोई पक्की सूह देने आलें

गी 5-5 लख रपे दा इनाम देने दी घोषणा कीती ऐ यानि इक आतंकवादी बारे जानकारी देने पर 5 लख रपे दा इनाम दित्ता जाग। जिनें आतंकवादिएं दे स्कैच जारी कीते गे न, उनेंगी कठुआ ते उधमपुर जिले दिएं मल्हार, बनी ते सेओजधार ढोकें च दिक्खेआ गेआ ऐ। ध्यानजोग ऐ जे पिछले म्हीने 8 जुलाई गी कठुआ जिले दे बदनोता इलाके च आतंकवादिएं आस्सेआ कीते गेदे इक हमले च फौज दे 4 सैनिक शहीद ते 6 घायल होइ गे हे। एह्दे इलावा जम्मू प्रांतै दे होर बी केई इलाकें च पिछले दऊं-त्रऊं म्हीने च आतंकी हमले च तेजी दिखने गी लब्धी ऐ जेह्दे बाद सुरक्षा बवस्था गी होर निग्गर बनांदे होई सुरक्षाबलें गी हाई अलर्ट पर रखेआ गेदा ऐ ते तुपाई अभियान च बी तेजी आंदी गेई ऐ।

<><><><><><>

Reasi Job

उपराज्यपाल मनोज सिन्हा होरें 9 जून गी होए दे रियासी आतंकी हमले च शहीद विजय कुमार हुंदी घरै आली श्रीमती रेणू शर्मा होरें गी हमदर्दी दे बिनाह पर नियुक्ती पत्र सौंपेआ। साढ़े संवाददाता नै जानकारी दित्ती जे रियासी दे बसनीक विजय कुमार उस बस गी

चला'रदे हे जेहड़ी शिव खोड़ी थमां कटरा जा'रदी ही। इस हमले च 9 लोकें दी जान चली गई ते 41 जख्मी होई गे हे। उपराज्यपाल होरें प्रशासन आस्सेआ इस शहीद नागरिक दे परोआर गी हर संभव मदाद दा भरोसा जताया ऐ। इस मौके राज भवन जम्मू च रियासी दे डिप्टी कमीशनर विशेष महाजन ते शहीद विजय कुमार दे परोआर आले मजूद हे।

<><><><><><>

Encounter

अनंतनाग जिले च सुरक्षाबलें ते आतंकवादिएं बश्कार इक टाकरा भखी पेदा ऐ। अधिकारिक जानकारी मूजब जिले दे कोकरनाग इलाके च एहलान गदोल थाहर आतंकवादिएं दी मजूदगी बारे इक टकोहदी सूह थहोने पर सुरक्षाबलें इलाके गी धेरियै तुपाई आली कारवाई शुरू कीती। जिस दरान उत्थें छप्पे दे आतंकवादिएं गोलीबारी शुरू करी दित्ती जेहदे पर जवाबी कारवाई कीती गई ते टाकरा भखी गेआ।

<><><><><><>

Jammu University(byte)

ट्रांसजेंडर समुदाय लेई शिक्षा दे मौके च सुधार करने लेई जम्मू यूनिवर्सिटी नै ट्रांसजेंडर विद्यार्थिं लेई फीस माफ करी दित्ती ऐ तां जे समुदाय गी मदाद ते समर्थन उपलब्ध करोआना जकीनी बनाया जा। ऐसी गै इक विद्यार्थी अश्विनी जिंदी अडमिशन फीस माफ करी दित्ती गेई, उनें यूनिवर्सिटी दा धन्नबाद कीता ऐ। आकाशवाणी कन्नै गल्ल करदे होइ अश्विनी नै आखेआ.....बाईट

<><><><><><>

Udhampur Martyr(byte)

शहीदें दे नां पर स्कूलें दे दे नां रखने सरबंधी मुहिम च उधमपुर जिले दे सरकारी मिडल स्कूल शिवनगर उधमपुर दा नां तब्दील करियै हुन शहीद कांस्टेबल शहीद अहमद हुंदे नां पर रखेआ गेआ ऐ। उधमपुर थमां साढत्रे संवाददाता नै जानकारी दितती ऐ जे इस मौके पर शहीद कांस्टेबल दे परोआर आलें गी खास परौहने दे तौरा पर साददा दित्ता गेदा हा। इस कार्यक्रम च मैहकमा माल दे असिस्टेंट कमीशनर उमेश शान होरें इस मुहिम बारे जानकारी सांझा कीती।

<><><><><><>

Kathua Farming

नोजवानें गी राई-बाई ते एह्दे कन्नै जुड़े दे होरने क्षेत्रेंब क्खी आकर्शित करने लेई "दक्ष किसान स्कीम" कठुआ जिले च बी लागू कीती जा'रदी ऐ। आकाशवाणी दे जिला संवाददाता प्रदीप कुमार मूजब इनें दिनें ददवारा इक उन्नत करसान संजय कुमार दे क्षेत्रें च 15एं दिनें दी इक सिखलाई चलै करदी ऐ जेह्दे च 90 विद्यार्थिं गी राई-बाई, फुल्लें ते सब्जिं दी काशत करने, जैविक खेती ते इस चाल्ली दी होर बी जानकारी ते सिखलाई दितती जा'रदी ऐ। सिखलाई लेई आए दे विद्यार्थिं चा किश नै आकाशवाणी कन्नै गल्ल करदे होई आखेआ

<><><><><><>

I-Day Reasi

78में स्वतंत्रता दिवस दे जश्न दे इक हिस्से दे तौरा पर सरकारी जनरल जोरावर सिंह डिग्री कालेज रियासी नै अंतर कालेज राष्ट्रगाण गायन प्रतियोगिता ते प्रश्नोत्तरी प्रतियोगिता दा आयोजन कीता। रियासी थमां साढत्रे जिला संवाददाता नै जानकारी दितती जे सरकारी डिग्री कालेज पौनी, जीडीसी कटरा, जीडीसी धरमारी

ते जीडीसी माहौर दे कालेज विद्यार्थिं प्रतियोगिता च हिस्सा लैता ।



Defence Expert

भारत दे रक्षा निर्यात च 2024–25 दी पैहली तिमाही च पिछले ब'रे दी इस अवधि दे मकाबले च 78 प्रतिशत दा बाद्धा दर्ज कीता गेआ ऐ । रक्षा मंत्रालय मूजब चालू माली ब'रे दी पैहली तिमाही च देश दा रक्षा निर्यात बधियै 6 जहार 915 करोड़ रपे तगर पुजजी गेआ ऐ जिसलै जे पिछले ब'रे एह आंकड़ा 3 जहार 865 करोड़ रपे हा । रक्षा प्रवक्ता ए.भारत भूषण बाबू होरें इस बारे जानकारी सांझी करदे होई सोशल मीडिया पर इक पोस्ट गी सांझा कीता ऐ जेहदे च आखेआ गेआ ऐ जे एहदे नै रक्षा क्षेत्र च आत्मनिर्भरता ते नवाचार दे नमें मानक कायम करने दा सरकार दा धेइया नजरी औंदा ऐ ।



House

जम्मू कश्मीर च तौले गै होने आले विधानसभा चुनाएं गी दिखदे होई केन्द्र शासत प्रदेश प्रशासन जम्मू कश्मीर च विधानसभा परिसरें गी तैआर करने लेई तौले गै तैआरी शुरू करी देग। इक अधिकारिक ब्यान च आखेआ गेआ ऐ जे मुख् सचिव अटल डुल्लू होरें अज्ज इक बैठक दी अध्यक्षता कीती। जेहदा मुख् मकसद प्रदेश च चुनाएं मगरा सत्र लोआने लेई जम्मू ते श्रीनगर च परिसरें गी तैआर करने लेई योजना तैआर करना हा। मुख् सचिव होरें मुत्तलका धड़ें गी इनें विधानसभा परिसरें गी समेबद्ध तरीके राएं तौले गै तैआर करने ते इंदी मरम्मत बगैरा करने दे निर्देश बी दित्ते।

<><><><><><><>

Bhaderwah Road(byte)

भद्रवाह च सैलसफा गी बढ़ावा देने लेई केई शिड़क परियोजनाएं दा कम्म जारी ऐ ते उंदे च इक ऐ चमेयाल पादरी थमां भाल पादरी तगर दी 10 किलोमीटर लम्मी शिड़क। 1 जहार 305 लक्ख रपे दी लागत कन्नै बनाई जा'रदी ऐ, शिड़क खित्ते दी ऐसी थाहरें कन्नै राबता कायम करोग जेड़ियां मतियां प्रचलित नेई हैन।

आओ भगत करने आले संस्थान जिआं जे होटल दे सदस्य मनीष कोतवाल ते टूर गार्ड मेहरान गनेई नै इस कम्मं दी शुरूआत पर खुशी जाहर करदे होई आखेआ

<><><><><><><>

Olympics Updated

पैरिस ओलंपिक्स च भारतीय पलोआन रीतिका हुड्डा नै अज्ज महिला कुश्ती दे 76 किलोग्राम वर्ग दे क्वार्टर फाइनल च किरगिस्तान दियां मेडेट क्यजी एडपरी थमां हारी गेइयां। बरोबरी पर चला'रदे इस मकाबले च मेडेट गी टैकनीकल प्वाइंट रूल कन्नै बढ़ोतरी हासल होई गेई। उआं रीतिका हुड्डा अजें बी कैह दे तगमे लेई रेपेचेज राउंड राएं खेड्डी सकदियां न जेकर मेडेट 76 किलो दे इस वर्ग च फाइनल च दाखल होई जंदियां न। उआं पलोआन रीतिका नै एहदे शा पैहले अज्ज प्री-क्वार्टर फाइनल च हंगरी दी वर्नाडेट नैगी गी 12-2 कन्नै हराइयै क्वार्टर फाइनल च प्रवेश कीता हा।

<><><><><><><>

Samba Mushroom

खुम्बें दी इक खास किस्म मिल्की मशरूम दी काश्त अज्ज सांबा दे बड़ी ब्राहमणा ब्लाक च खुम्बें गी तैआर करने ते एह्दी सिखलाई सरबंधी केन्द्र च शुरू कीती गई। सांबा थमां साढ़े संवाददाता नै जानकारी दित्ती ऐ जे मदन गोपाल सिंह होरें आखेआ जे मिल्की मशरूम आम खुम्बें शा बक्ख हुंदे न की जे इनेंगी तैआर करने लेई 35–38.4 डिग्री सैल्सियस तापमान दी लोड़ होंदी ऐ।

<><><><><><>

Ramban-HADP

राई–बाई दे पूरे पराते विकास सरबंधी कार्यक्रम तैहत रामबन दे पशुपालन विभाग नै जिले दे कुन्फर चंदरकोट च दुध किट्ठा करने आले आटोमैटिक युनिटें गी शुरू करोआया ऐ जिंदी समर्थ 500 लीटर दी ऐ। रामबन थमां आकाशवाणी संवाददाता नै दस्सेआ ऐ जे इनें आधुनिक मशीनें राएं मकामी लोकें गी सशक्त बनाने ते डेयरी उत्पादन बधाने च बी मदाद मिलोग।

<><><><><><>